

BDC organizovao interaktivnu biznis sesiju na BURCH univerzitetu - mart 2018

Mar 28, 2018

Prošle sedmice Studentski Poslovni Klub je imao priliku ugostiti Jasminu Kriještarac, autoricu knjige „Tajna uspješnog brokera“, magistricu komunikologije i brokericu prodaje kao predavaca interaktivne biznis sesije na temu „Prodajne i komunikacijske vještine“

Dok je govorila o toj temi, gospodja Jasmina je objasnila našim studentima šta je posao jednog brokera prodaje, koje sposobnosti svaki broker treba imati, ali takodjer i koji su to problemi sa kojima se broker prodaje susrece obavljajuci svoj posao.

Jasmina Kriještarac je takodjer istakla da prodaja uveliko zavisi od pristupa ljudima i da svaki prodavac mora razumijeti psihologiju ljudi. Naša gošca je podijelila sa studentima iskustvo koje je stekla radeci za njemacku kompaniju koja prodaje struju i gas njemackim kupcima. Kroz prezentaciju Jasmina se cesto osvrkala na svoju knjigu za koju je kako ona kaže najveću motivaciju pronašla posmatrajuci svog supruga koji je iskusni prodavac.

Studenti su bili jako zainteresovani za ovu temu i postavili su nekoliko pitanja našoj gošci o kompaniji gdje radi i razlicitim situacijama u kojima se jedan broker prodaje može pronaci.

Na kraju, profesor i mentor Studentskog Poslovnog Kluba, Ensar Mekic, izrazio je veliku zahvalnost, te je sadašnja predsjednica kluba Adha Drugovic dodijelila zahvalnice i poklone našim gostima.

Jasmina je donirala nekoliko primjeraka svoje knjige našoj biblioteci.

International Burch University | www.ibu.edu.ba